

«ТАСДИҚЛАЙМАН»
Ўзбекистон Республикаси
Иқтисодиёт вазири
Б.А.Хўжаев
2018 йил « 20 » август

Ўзбекистон Республикаси Иқтисодиёт вазирлигида ўтказилган йиғилиш
БАЁНИ

2018 йил «20» август

Ташкент ш.

Раислик қилди: **Б.А.Хўжаев**– Ўзбекистон Республикаси Иқтисодиёт вазири

Қатнашдилар: Ўзбекистон Республикаси Иқтисодиёт вазирининг ўринбосарлари, бош боқарма, бошқарма, булим бошлиқлари ва уларнинг ўринбосарлари ҳамда вазирликнинг масъул ходимлари

Кун тартиби:

Норма ижодкорлиги фаолиятини такомиллаштириш
чора-тадбирлари тўғрисида

(Хўжаев, Мирзаев, Ниёзматов, Куйчиев, Хўжаев)

2017 – 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида (кейинги ўринларда Ҳаракатлар стратегияси деб юритилади) қабул қилинаётган қонунларнинг ижтимоий-сиёсий, ижтимоий-иқтисодий ва суд-ҳуқуқ ислохотлари жараёнига таъсирини кучайтиришга йўналтирилган қонун ижодкорлиги фаолияти сифатини тубдан ошириш давлат ва жамият қурилиши тизимини такомиллаштиришнинг асосий вазифаларидан бири этиб белгиланган.

Шу билан бирга, белгиланган кенг қўламли ислохотларнинг муваффақиятли амалга оширилиши маълум даражада ўтган йилларда шаклланган қонунчилик базасига, шунингдек, норма ижодкорлиги жараёни сифатига боғлиқ.

Ушбу йўналишда мавжуд бўлган камчиликлар турли соҳалардаги ижтимоий муносабатларни тарқоқ ҳолда тартибга солиш салбий амалиётининг давом этишига олиб келмоқда, бу эса ҳуқуқий коллизиялар, ҳуқуқни қўллашда турлича талқин қилиш ва мураккаблиklar юзага келишига сабаб бўлмоқда.

Бугунги кун воқелиги тизимли муаммоларга тезкорлик билан муносабат билдиришни талаб қилади, уларнинг ечимлари йўқлиги мамлакатда олиб борилаётган ислохотларда акс этмоқда. Бироқ, бу борада қўлланилаётган норма ижодкорлиги ёндашуви қонун ҳужжатларининг мамлакат иқтисодиёти тармоқларига таъсирини баҳолаш заруриятини ҳисобга олмаяпти ҳамда жамоатчилик фикрини инобатга олган ҳолда фуқароларнинг ҳаёти ва фаровонлигини яхшилашга доир вазифаларга эришишни таъминламаяпти.

Шу билан бирга, умумий тусга эга бўлган қонунлар кўплиги, шунингдек, уларни амалга оширишнинг муайян механизмсиз айрим қарорларнинг қабул қилиниши, умуман давлат ва жамият ривожига салбий таъсир кўрсатмоқда, ижтимоий муносабатларни асосан қонуности ҳужжатлари билан тартибга солишга олиб келмоқда.

Тизимлаштирилган қонунчилик базасини шакллантириш, амалга оширилаётган ислохотларнинг ҳуқуқий жиҳатдан таъминланишини такомиллаштириш, шунингдек, Ҳаракатлар стратегиясида белгиланган вазифаларни изчил рўёбга чиқариш мақсадида Ўзбекистон Республикаси Президентининг 2018 йил 8 августда ПФ-5505-сон “Норма ижодкорлиги фаолиятини такомиллаштириш концепциясини тасдиқлаш тўғрисида”ги Фармони қабул қилинди.

Мазкур фармон ижросини таъминлаш учун норма ижодкорлиги фаолиятини такомиллаштиришнинг асосий йўналишлари белгиланди, унга кўра, қуйидагилар норма ижодкорлиги фаолиятини такомиллаштиришнинг асосий йўналишлари ҳисобланади:

1. Қонунчилик базасини тизимлаштириш, ижтимоий муносабатларни ҳуқуқий жиҳатдан тартибга солиш барқарорлигини таъминлаш;

2. Норматив-ҳуқуқий ҳужжатларни ишлаб чиқиш ва қабул қилиш жараёнлари сифатини ошириш, шунингдек, уларнинг ижроси мониторингини такомиллаштириш;

3. Норма ижодкорлиги жараёнига замонавий ахборот-коммуникация технологияларини жорий этиш;

4. Норма ижодкорлигида «ақлли тартибга солиш» модели элементларини қўллаш;

5. Норма ижодкорлиги фаолиятининг институционал асосларини такомиллаштириш.

Ушбу фармон билан, Ўзбекистон Республикаси Олий Мажлиси палаталари ва Вазирлар Маҳкамасининг қуйидаги тартибни белгилаш тўғрисидаги таклифлари қабул қилинган, унга мувофиқ:

1. Давлат органлари томонидан норматив-ҳуқуқий ҳужжатларни ишлаб чиқиш ҳамда қабул қилиш ташаббусига фақатгина ушбу органларнинг кўтарилаётган масалалар ёки муаммоларни қонун ҳужжатларида назарда тутилган амалдаги нормалар ва маъмурий тартиб-таомиллар орқали ҳал қилиш ваколати бўлмаган тақдирда йўл қўйилишлиги;

2. Норматив-ҳуқуқий ҳужжатларни қўллаш, улар кучга кирган пайтдан эътиборан ижросини ташкил этиш юзасидан қўшимча ички идоравий ҳужжатлар қабул қилишга доир мажбуриятлар юклатилмаган ҳолда амалга оширилишлиги;

3. Қонунчилик ташаббуси ҳуқуқи субъектлари қонун лойиҳасини Ўзбекистон Республикаси Олий Мажлисининг Қонунчилик палатасига киритиш чоғида унга, қоида тариқасида, қонун ва қонуности ҳужжатларини такомиллаштириш, ташкилий-техник чораларни амалга ошириш, шунингдек, қонун лойиҳасини кенг қўламда тарқатиш ҳамда унинг мазмун-моҳияти ва аҳамиятини тарғиб қилиш бўйича масалаларни ўз ичига олган қонун лойиҳасини амалга оширишга доир тадбирлар режасини илова қилишлиги;

4. Ўзбекистон Республикаси Президенти ва Вазирлар Маҳкамаси қарорларида улар қабул қилинганидан кейин алоҳида тадбирлар ва назорат режаларини, шунингдек, «йўл хариталари»ни қўшимча тарзда тасдиқламаган ҳолда аниқ топшириқлар ва уларни амалга ошириш механизмларини белгиловчи нормалар, муддатлар ва масъул ижрочилар мажбурий равишда назарда тутилишлиги;

5. Янги идоравий норматив-ҳуқуқий ҳужжатни қабул қилиш ўхшаш муносабатларни тартибга солувчи айнан бир хил юридик кучга эга ҳужжатни бекор қилиш билан бир вақтда ёки унга таклиф этиладиган ўзгартишлар киритиш орқали, шу жумладан, уни янги таҳрирда баён этган ҳолда амалга оширилиши лозимлиги.

Юқоридагилардан келиб чиқиб, шунингдек, амалга оширилаётган ислохотларнинг ҳуқуқий жиҳатдан таъминланишини такомиллаштириш, ҳамда Ҳаракатлар стратегиясида белгиланган вазифаларни изчил рўёбга чиқариш мақсадида **йиғилиш қарор қилади:**

1. Ўзбекистон Республикаси Президентининг 2018 йил 8 августдаги ПФ-5505-сон “Норма ижодкорлиги фаолиятини такомиллаштириш концепциясини тасдиқлаш тўғрисида”ги Фармони сўзсиз ижро учун қабул қилинсин.

2. Норма ижодкорлиги фаолиятини такомиллаштириш концепциясини амалга ошириш бўйича Иқтисодиёт вазирлигининг ишчи комиссияси (Комиссия) таркиби иловага мувофиқ тасдиқлансин.

3. Комиссиянинг асосий вазифалари этиб қуйидагилар белгилансин:

а) норматив-ҳуқуқий ҳужжатлар лойиҳаларини сифатли ишлаб чиқишни ва белгиланган тартибда киритишни назорат қилиш;

б) Концепцияни амалга ошириш борасида учрашувлар, семинарлар, давра суҳбатлари ва матбуот конференцияларини тизимли равишда ташкил этиш;

в) қонунчилик базасини тўлиқ хатловдан ўтказиш.

4. Комиссия норматив-ҳуқуқий ҳужжатларни қуйидаги асосларга кўра, хатловдан ўтказсин.

1. Аниқ соҳалардаги муносабатларни тартибга солувчи норматив-ҳуқуқий ҳужжатларни тизимлаштириш;

2. Норматив-ҳуқуқий ҳужжатлар даражасида мустаҳкамлаш талаб этиладиган юқори юридик кучга эга нормаларни белгилаш;

3. Идоравий норматив-ҳуқуқий ҳужжатларни имкон қадар қисқартириш;

4. Умумий тусдаги, ҳаракатсиз ва ҳуқуқни қўллаш амалиётига таъсир этмайдиган қонун ҳужжатларини қайта кўриб чиқиш;

5. Асоссиз чекловлар, ортиқча маъмурий тартиб таомиллар ва эскирган тартибга солиш механизмларининг мавжудлигини бартараф этиш.

Вазир ёрдамчиси ва вазир ўринбосарларининг ёрдамчилари Ўзбекистон Республикаси Қонуни, Ўзбекистон Республикаси Президенти фармон, қарор ва фармойишлари, Вазирлар Маҳкамаси қарорларини Иқтисодиёт вазирлигига ижросини таъминлаш учун вазирлик раҳбариятининг тегишли бандлари бўйича ижрочиларни аниқлаб, розилик белгиси қўйишни таъминласин.

Ўзбекистон Республикаси Президенти фармон, қарор ва фармойишлари, Вазирлар Маҳкамаси қарорларини билан тасдиқланадиган “Йўл харитаси” дастурларига мувофиқ мутасадди бош бошқарма, бошқарма ва бўлим бошлиқлари вазирлик ходимларидан бўлган ижрочи ва ҳам ижрочиларидан иборат тегишли вазирлик буйруғини тайёрлаб, тасдиқлаш учун киритилсин.


 (Делмуратов) (Магистов) (Х. Рахмонов) (Халлаев) (Қўлимов)

**Норма ижодкорлиги фаолиятини такомиллаштириш концепциясини амалга
ошириш бўйича Иқтисодиёт вазирлигининг ишчи комиссияси**

ТАРКИБИ

- | | |
|-------------------|------------------------------|
| 1. М.Мирзаев | вазирнинг биринчи ўринбосари |
| 2. Б.Ниёзматов | вазир ўринбосари |
| 3. Лавозим бўйича | вазир ўринбосари |
| 4. Х.Рахматуллаев | бош бошқарма бошлиғи |
| 5. О.Шарипов | бош бошқарма бошлиғи |
| 6. Э.Рустамов | бош бошқарма бошлиғи |
| 7. Д.Хамзаев | бош бошқарма бошлиғи |
| 8. А.Дилмурадов | бошқарма бошлиғи |
| 9. Э.Маджитов | бошқарма бошлиғи |
| 10. Х.Мамарасулов | бошқарма бошлиғи |
| 11. С.Куйчиев | бўлим бошлиғи |